

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 6, 11. november 2004-meersoq (Aningaasarsianik angissusiliisarnerup naammagittaalliuteqarsinnaanerullu aaqqissuussaanageranik pisariillisaajumaneq kiisalu iluanaarutininik akileraarusersuisarnermut allannguuteqartitsineq)

§ 1

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, Inatsisartut inatsisaatigut nr. 2, 21. maj 2004-meersuklut kingullermik allanngortinneqartumi makku allannguutigittinneqarput.

1. § 19-imi imm. 1-pkingorna immikkoortutut nutaatut ilanngunneqassaaq:

" Imm. 2. Taamaattorli iluanaarutit § 70 a naapertorlugu iluanaarutisianit akileraarutininik unerartitsiffigineqarsimasut aningaasarsiat akileraaruteqaataasussat naatsorsorneqarneranni ilanngaatigineqarsinnaanngillat.". Imm. 2-5 matuma kingorna tassaalerput imm. 3-6.

2. § 19-imi, imm. 3-mi aamma imm. 4-mi allassimasut, imm. 4 aamma 5-inngortuni, "imm. 1 aamma 2-miittut" allanngortinneqassapput ima: "imm. 1 aamma 3-miittut", aammalu § 19, imm. 5-imi allassimasoq, imm. 6-inngortumi, "Imm. 3" allanngortinneqassaaq ima: "Imm. 4".

3. § 21, imm. 4-mi oqaaseqatigiit aappaattut nutaatut ilanngunneqassaaq:

"Kinaluunniit, selskabip amigartoorutaasa ukiunut tullernut nuunneqarsinnaanerannik ilisimasariaqartutut isigineqarsinnaasoq taamaaliorinnaaneq pillugu siumut akuersissummik allanngortinneqarsinnaanngitsunik Skatterådimut qinnuteqarsinnaavoq.".

4. § 24, litra 11, ima oqaasertaqassaaq:

"11) pisortanit ikiuutisiat:

- a) pisuni ataasiakkaani naliliineq tunngavigalugu pisortanit pensionisianut tapiliussatut, matumani aamma meeqqanut tapiliussatut tunniunneqartut,
- b) ataasiartumik ikiorsiissutitut, nuunnermi ikiuutisiatut, ilisinermi ikiuutisiatut, angerlarsimaffimmi ikiorteqarnermut aamma angerlarluni angalanermut ikiuutisiatut tunniunneqartut,
- c) ineqarnermut tapiissutitut tunniunneqartut,
- d) meeqqanut inuusuttunullu ikiorsiissutitut tunniunneqartut,
- e) inunnut annertuumik innarluuteqartunut ikiorsiissutitut tunniunneqartut,
- f) piginnaanngorsaqinneqarnermut atatillugu ataasiartumik ikiorsiissutitut immikkut ittumik tapiissutitut tunniunneqartut.".

5. § 34 b-p kingornanut ilanngunneqassaaq:

" § 34 c. Inuk § 1 naapertorlugu akileraartussaataasoq pisariaqavissuinnarnut ikiorsiissutininik § 24, litra 11 malillugu akileraaruteqaataasussaannngitsutut isigineqanngitsunik pissarsisimappat, akileraarutissat tamarmiusut aningaasarsiat taakku akileraarutitaannut naapertuuttumik

annertussusilinnik appartinneqassapput.".

6. § 41, imm. 1-imi, allanngortinneqassapput ima "40 pct." "45 pct.-inngorlugu" aamma " 20 pct." "23 pct.-inngorlugu".

7. § 47, imm. 2-mi ima oqaasertaqassaaq:

" Imm. 2. Siumoortumik nalunaarsuineq akileraaruseriffimmit isumagineqassaaq.".

8. § 48, imm. 1-imi, 2-imi, 3-imi, 4-milu allassimasoq "kommissionip akileraarusiisartup" allanngortinneqassaaq ima: "akileraaruseriffiup".

9. § 51 ima oqaasertaqassaaq:

" § 51. Kommunimi akileraartarnermut oqartussaasut (pisortat akileraarusiisartut) akileraarusiinermik suliaqarnissaanut pilersaarut Skatterådip ukiut tamaasa suliarisassavaa. Pilersaarutip malinneqarnissaa kommunalbestyrelsip akisussaaffigaa.

Imm. 2. Kommunalbestyrelsip inuk kommunimi atorfeqartoq, kommunip akileraaruseriffiani akileraarusiinermik sulinermi akisussaasuusussaq toqqassavaa. Kommunalbestyrelsi kommunip akileraaruseriffiata aalajangiinerinut imaluunniit akileraaruseriffiup aalajangiinerinut naammagittaalliutaasunik suliaqarnissamut akuliussinnaanngilaq.

Imm. 3. Aammattaaq Akileraartarnermut Pisortaqrifiup § 33, imm. 2-mi taaneqartunik akileraarusiinissaanut pilersaarut Skatterådip ukiut tamaasa suliarisassavaa.

Imm. 4. Akileraartarnermut Pisortaqrifiup inuk pisortaqrifimmi atorfeqartoq, pisortaqrifimmi akileraarusiinermik sulinermi akisussaasuusussaq toqqassavaa.".

10. § 51-ipkingornanut ilanngunneqassaaq:

" § 51 a. Kommunalbestyrelsit marluk amerlanerusulluunniit Naalakkersuisut akuersissuteqareernerisigut inuk kommunit arlaanni atorfeqartoq, kommunini pineqartuni akileraartussaataasunut tamanut ilaannulluunniit tunngatillugu akileraarusiinermik kommunip akileraartarnikkut oqartussaasuisa suliaqarneranni qullersaalluni akisussaasuusussaq toqqarsinnaavaat, tak. § 51, imm. 2. Kommunit akileraartarnermut allaffeqarfimmik ataatsimoorussamik peqarsinnaanerannik Naalakkersuisut akuersissutertik naleqquttumik piffissaliillutik atorunnaarsissinnaavaat, akuersissuteqarnermut piumasaqaatit naammassineqarsimanngitsutut Naalakkersuisunit nalilerneqarpata.

Imm. 2. Kommunalbestyrelsit akileraarusiinermi suleqatigiissut, pilersaarutip malinneqarnissaa § 51, imm. 1-imi taaneqartoq akisussaaffigissavaat.".

11. § 51 a-p kingornanut ilanngunneqassaaq:

" § 51 b. Kommunalbestyrelsip ataatsip arlaqartulluunniit ataatsimoorlutik Naalakkersuisut akuersissuteqareernerisigut Akileraartarnermut Pisortaqrifimmik isumaqateqarlutik kommunimi akileraartarnermut oqartussaasut kommunimi pineqartumi kommuniniluunniit pineqartuni akileraartussaataasunut tamanut ilaannulluunniit tunngatillugu akileraarusiinermik suliasat tamaasa ilaalluunniit akiliuteqarnermikkut Akileraartarnermut Pisortaqrifimmut nuussinnaavaat. Pilersaarutip malinneqarnissaa § 51, imm. 1-imi taaneqartoq Akileraartarnermut Pisortaqrifiup akisussaaffigissavaa.

Imm. 2. Akileraartarnermut Pisortaqrifiup, kommunimi akileraaruseriffiup kommunimilu ingerlatsiveqarfiit allat akornanni paasissutissanik kommunimi paarlaasseqatigiissinnaanerisuulli

kommunimi kommuniniluunniit attuumassuteqartuni ingerlatsiveqarfiit allat paasissutissanik paarlaasseqatigisinnaavai."

12. § 51 b-p kingornanut ilanngunneqassaaq:

" § **51 c.** Akileraartarnermut pisortat nammineerluni nalunaarsuiffissat akileraartussaataitasunut tamanut, akileraartartunit ukiumi akileraarusiiffimmi januarip aallaqqaataata kinguninnguutigut piaarnerpaamik tiguneqartussanngorlugit nassiussussavaat. Naalakkersuisut nammineerluni nalunaarsuiffissat qanoq ilusilersorneqarnissaannut nassiussorneqarnissaannullu maleruagassiat aalajangersassavaat, taamatullu aamma immersugassat akuersissutigisimasamik akileraartussaatanit qanoq atorneqarnissaannut maleruagassianik aalajangiissallutik.

Imm. 2. Akileraartartup nammineerluni nalunaarsuiffissanik nassinneqanngitsoornera nammineerluni nalunaarsuinissamut pisussaajunnaarsitsinngilaq.

Imm. 3. Nammineerluni nalunaarsuut ukiumi akileraarusiiffimmi kingusinnerpaamik ulloq 1. marts nassiunneqassaaq. Nammineerluni nalunaarsuut pisortanut akileraarusiinnermik suliaqartussanut nassiunneqassaaq, tak. § 51, imm. 1.

Imm. 4. Pisortat akileraarusiisartut nammineerluni nalunaarsuummik nassitsinissap kinguartinneqarnissaa immikkut pissutissaqartillugu akuersissutigisinnaavaat, tamanna akileraarusiilluni sulinerup aaqqissuunneqarneranut piffissarlu eqqorlugu inerneqarnissaanut akornutaanngippat."

13. § 54-ip kingornanut ilanngunneqassaaq:

" § **54 a.** Pisortat ingerlatsiviannit pisortallu ingerlatsiviannut saaffiginninnerni attaveqaatit digitaliusut atorneqarsinnaanerit pillugu Naalakkersuisut aningaasarsianit akileraarutit pillugit akileraartarnerup tungaatigut maleruagassiorsinnaapput, matumani aamma attaveqaatit digitaliusut atorneqarsinnaannginneri pillugit inatsisini piumasaasut saneqqussinnaallugit.

Imm. 2. Allakkiat atsiorneqanngitsut, atsiornermilluunniit maskiinakkoortumik allatulluunniit atsiornillit sananeqarsinnaanerit pillugu maleruagassat Naalakkersuisut akileraartarnerup tungaatigut aalajangersarsinnaavaat, taamaalilluni allakkiaq allakkiamut inuup nammineq atsiorsimasaanut inatsisit tungaasigut sanilliunneqarsinnaanngorlugu."

14. § 55 imatut oqaasertaqassaaq:

" § **55.** Akileraarutitik angissusiliineq ukiup aningaasarsiorfiusup angissusiliiffigisap tulliani qaammatsiutit malillugit ukiumi kingusinnerpaamik 1. september naammassineqareersimassaaq (piffissaq akileraarusiiffimmut killiliussaq). Kommunemi akileraartarnermut oqartussaasut akileraarutitik angissusiliinernik piffissap akileraarusiiffiup ingerlanerani allanngortitsisinnaapput.

Imm. 2. Siusinnerusukkut angissusiliineq nakkutilliinermi paasissutissat, uppersaatissat taakkunungaluunniit aaqqiissutissat kingusinnerusukkut tiguneqarnerat pissutigalugu, ilanngaat aalajangersimasooq aningaasarsialluunniit B-t akileraaruteqaataasussaannngitsut kukkusumik ilanngaatigineqarsimanera pissutigalugu imaluunniit akileraartussaataitanerup allannguuteqarnera pissutigalugu allanngortinneqassappat, kommunimi akileraartarnermut oqartussaasut angissusiliineq ukiup aningaasarsiorfiusup pineqartup naanerata kingorna qaammatsiutit malillugit ukiup akileraarusiiffiup tulliani ulloq 1. september tikillugu suliareqqissinnaavaat.

Imm. 3. Skatterådip kommunimi akileraartarnermut oqartussaasut, piffissap akileraarusiiffiusup

qaangiutereerneratigut akileraarutinin angissusiliinissamut imaluunniit allannguissamut piginnaatissinnaavai.

Imm. 4. Skatterådi akileraarutinin angissusiliinermik isummerfiginnissimatillugu kommunimi akileraartarnermut oqartussaasut angissusiliisinnaangillat allanngortitsisinnaanatilluunniit. Aamma akileraarutinin angissusiliineq Skatterådimit suliarineqartillugu kommunimi akileraartarnermut oqartussaasut angissusiliisinnaangillat allanngortitsisinnaanatilluunniit. Oqaaseqatigiit aappaanni taaneqartutut ittunik pisoqartillugu kommunimi akileraartarnermut oqartussaasut allanngortinniagartik pillugu Skatterådi ilisimatissavaat.

Imm. 5. Kommunimi akileraartarnermut oqartussaasut nammineerluni nalunaarutigineqartunit allaanerusumik tunngaveqarlutik akileraarutinin angissusiliiniarpata, matumani aamma nammineerluni nalunaarsuiffik pissusissamisooruq pigineqanngippat, imaluunniit kommunimi akileraartarnermut oqartussaasut nammineerluni nalunaarsugassat akileraarutinin angissusiliinermi tunngaviusussat ilaannik allannguiniarpata akileraartussaataasooq tamatuminnga allakkatigut ilisimatineqassaaq. Akileraartussaataasooq tassunga ilutigitillugu aamma ilisimatineqassaaq, akileraartussaataasooq akileraarutinin angissusiliinermut akerliulluni piffissaliussap allakkat ullulerneqarneranniit sapaatip akunnerinik 4-inik sivikinnerunngitsup ingerlanerani allakkatigut oqaasiinnakkulluunniit tunngavilersuilluni akileraartarnermut oqartussaasunut saqqummiussaqaanngippat akileraarutinin angissusiliineq siunniunneqartutut angissusilerneqassasooq. Akileraartussaataasooq piffissaliussap naatinnagu oqaaseqaateqarsimangippat, akileraartarnermut oqartussaasut ilisimatitseqqeqaaratik akileraarutinin angissusiliinissap siunnersuutigineqartutut iluseqartillugu angissusilersinnaavaat. Akileraartussaataasooq piffissaliussap qaangiutinnginnerani oqaaseqaateqarpat akileraarutinin angissusiliineq (nalunaarutiginninneq) allakkatigut ilisimatitsissutigineqassaaq.

Imm. 6. Imm. 5-imi oqaaseqatigiit siullersaanni aappaannilu taaneqartutut ilisimatitsisoqartariaqaanngilaq akileraarutinin angissusiliineq akileraartussaataasup qinnuteqarneratigut pippat, aammalu qinnuteqarneq aalajangiinermi tamakkiisumik malinneqarpat. Taamaangippat akileraarutinin angissusiliineq (nalunaarutiginninneq) allakkatigut ilisimatitsissutigineqassaaq."

15. § 56 imatut oqaasertaqassaaq:

" **§ 56.** Kommunimi akileraartarnermut oqartussaasut § 55 naapertorlugu aalajangiinerinut naammagittaalliuutit Skatterådimit suliarineqartarput.

Imm. 2. Naammagittaalliuut Skatterådimit nassiunneqassaaq. Naammagittaalliuut Skatterådimit tiguneqareersimassaaq naammagittaalliuutigineqartumut aalajangiinerup ullulerneqarneraniit sapaatip akunneri sisamat qaangiutsinnagit, imaluunniit aalajangiineq immikkut ilisimatitsissutigineqarsimangippat, tak. § 55, imm. 6, inaarummik naatsorsuinerup nalunaarutigineqarneraniit. Naammagittaalliuut piffissaliussap qaangiutereerneratigut nassiunneqarpat itigartinneqassaaq. Piffissaliussap qimmorneqarnera Skatterådip immikkut ittunik pissutissaqartillugu qaangerneqarsimappat akuerisinnaavaa.

Imm. 3. Skatterådimit naammagittaalliuut allakkatigoortuussaaq. Aalajangiinerup naammagittaalliuutigineqartup naqeqqaarneqarnera assilinerneqarneraluunniit naammagittaalliummut ilanngunneqassaaq. Naammagittaalliummi allassimassapput aalajangiinerup sutigut eqqunngitsuosorineqarnera tassungalut tunngavilersuut. Allakkiat uppernarsaatitut atorumaneqartut

naqeqqaarneqarneri assilineqarneriluunniit naammagittaalliummut ilanngunneqassapput.

Imm. 4. Naammagittaalliuutip ilusiligaanera tunngavilersugaaneraluunniit pissutigalugit suliap suliareqqinneqarnissaanut tunngavissatut atorneqarsinnaanngippat, Skatterådip naammagittaalliortoq piffissalerlugu periarfississinnaavaa amigaataasumik aqqiinissamut. Naammagittaalliortup amigaataasoq piffissaliussap naannginnerani aqqinngippagu suliassaq itigartitsissutigineqassaaq.

Imm. 5. Skatterådi naammagittaalliummik aalajangiiffiginnitsinnagu pisortat oqartussaasut naammagittaalliuutigineqartumik aalajangiisimasut oqaaseqaataannik piniartoqassaaq. Pissutsit aalajangiinermut naammagittaalliuutigineqartumut tunngasutillit immikkut pissutissaqartippassuk Skatterådi qinnuteqartoqarneratigut sivisunerusumik piffissaliisinnaavoq.

Imm. 6. Skatterådi naammagittaalliummik aalajangiiffiginnitsinnagu suliap saqqummiunneqarnera suliarineqaqqaassaaq. Suliap saqqummiunneqarnerani nassuiaatigineqassapput paasissutissaviit suliambut tunngassuteqartut aalajangiinissami pingaaruteqartutut isiginiakkat. Naammagittaalliortup piumasaa rådip tamakkiisumik isumaqatigisinnaanngippagu suliap saqqummiunneqarnera naammagittaalliortumut nassiunneqassaaq, piffissaliussap erseqqinnerusumik ullulerneqarsimasup sapaatit akunnerinik sisamanik sivikinnerunngitsup ingerlanerani saqqummiussinermut oqaaseqaateqaqqullugu kajumissaarlugu.

Imm. 7. Skatterådi naammagittaalliuut qanorluunniit imaqaraluarpat pinsinnaatitaavoq angissusiliineq ataatsimut tamaat aalajangiiffigisassanngorlugu tigussallugu.

Imm. 8. Naammagittaalliortoq Skatterådimit oqaloqateqarnermigut oqaaseqaateqarnissaminik periarfissinneqarumasinnaavoq.

Imm. 9. Skatterådip aalajangiinera nalunaarutiginnikkut suliarineqassaaq.".

16. § 57 imatut oqaasertaqassaaq:

" § 57. Skatterådip kommunini akileraartarnermut oqartussaasut angissusiliineri misissugassanngorlugit allanngugassanngorlugillu qaqeqqissinnaavai. Angissusiliinermik qaffaaneq, angissusiliineq missingersuutaannarmik tunngaveqartillugu pinsinnaanngilaq ukiup aningaasarsiorfiup pineqartup naaneraniit ukiut tallimat qaangiutereersimatillugit.

Imm. 2. Skatterådi aalajangiitinnagu suliap saqqummiunneqarnera suliarineqaqqaassaaq. Suliap saqqummiunneqarnerani nassuiaatigineqassapput paasissutissaviit suliambut tunngassuteqartut aalajangiinissami pingaaruteqartutut isiginiakkat. Suliap saqqummiunneqarnera akileraartussaataasumut nassiunneqassaaq, piffissaliussap erseqqinnerusumik ullulerneqarsimasup sapaatip akunnerinik sisamanik sivikinnerunngitsup ingerlanerani saqqummiussinermut oqaaseqaateqaqqullugu kajumissaarlugu.

Imm. 3. Skatterådip suliassat § 56 aamma § 57, imm. 2 malillugit aalajangiiffigineqarsimasut suliareqqissinnaavai. Suliareqqiineri imm. 2-mi aalajangersakkat atuutissapput.".

17. § 58 atorunnaarsinneqassaaq.

18. § 59 ima oqaasertaqassaaq:

" § 59. Skatterådip § 21, imm. 4, § 56, § 57 kiisalu § 66, imm. 2, malillugit aalajangiineri akileraartussaataamit Kalaallit Nunaata Eqqartuussivianut suliarinnittussamut siulliusumut suliassiissutigineqarsinnaapput, aalajangiinerup kingorna qaammatit arfinillit qaangiutsinnagit. Pissutsinik immikkorluinnaq ittunik tunngavissaqartillugu, landsdommerip piffissaliunneqartoq

qimmorneqaraluarpulluunniit suliassiissutigineqartoq akuersaarsinnaavaa. Suliassiissutigineqartut tassaapput Kalaallit Nunaanni Naalakkersuisut.

Imm. 2. Suliap Skatterådimit suliassiissutigineqarneraniit qaammatit aqqaneq-marluk qaangiussimappata, Skatterådi aalajangiisimangikkaluarpulluunniit suliaq Kalaallit Nunaata Eqqartuussivianut sularinnittussamut siulliusumut suliassiissutigineqarsinnaavoq.

Imm. 3. Naalakkersuisut imm. 1-imi aalajangersakkatigut piumasaasut malillugit Skatterådip § 56, § 57 kiisalu § 66, imm. 2 malillugit aalajangiineri Kalaallit Nunaata Eqqartuussivianut sularinnittussamut siullermut suliassiissutigisinnaavaat. Suliassiissutigineqartoq tassaassaaq akileraartussaataq."

19. § 70, imm. 2-mi oqaaseqatigiit aappaattut nutaatut ilanngunneqassaaq:

"Aktianilli amerlanernik piginnittuusup selskabi selskabimut allamut, pineqartup aktianik amerlanernik piginnittuuffigisaanut pigisanik nalilinnik tunisaqarsimasoq atorunnaarsippagu, pigisat aningaasannngortitaaneranni iluanaarutit iluanaarutisiatut naatsorsorneqarneranni § 14, imm. 3-imi maleruagassatut naatsorsuullugit isigineqassapput."

Oqaaseqatigiit aappaat matuma kingorna tassaalerpoq oqaaseqatigiit pingajuat.

20. § 70-imi imm. 2-p kingorna immikkoortutut nutaatut ilanngunneqassaaq:

" Imm. 3. Aktiaatilik aktianik amerlanernik piginnittuusutut isigineqassaaq, tak. imm. 2, pineqartup nammineerluni imaluunniit katissimallugu aapparisanik, angajoqqaani, aatakkuni aanakkunilu aamma qitornat, ernuttat taakkualu katissimallugu aapparisaat peqatigalugit ukiut kingulliit tallimat ingerlaneranni aktiatigut aningaasaatit 25 pct.-ii amerlanerusulluunniit piffissami sumiluunniit pigisimappagit, imaluunniit piffissami tassani taasisinnaanerup nalingata 50 pct.-ii sinnerlugit taasisinnaasimappat. Qitornassaqaarneq qitornavissiaqaarnerlu kinguaariivinnermut sanilliunneqarput."

Imm. 3 aamma 4 matuma kingorna tassaalerput imm. 4 aamma 5.

21. § 70-ip kingornanut ilanngunneqassaaq:

"§ 70 a. Selskabi sulisorisat aktiaataannik utertitsilluni sulisunut allanut tuneqqitassanik pisisoq iluanaarutisianik akileraarutit selskabip akileraarfittut kommuniani, tak. § 33, qaammatisiutit malillugit ukiumi pineqartumi procentit akileraarusiissutit tamarmiusut, tak. §§-it 27-miit 29-mut, aamma procentip selskabip akileraarutaata § 26 a-mi aalajangersarneqartup assigiinngissutaattut annertutigisut unerartissavai.

Imm. 2. Selskabip aningaasanik niuerfimmi nalunaarsorneqarsimasup nammineq aktiaatini utertillugit pisiarigunigit iluanaarutisianik akileraarutininik imm. 1-imi taaneqartutuulli unerartitsissaaq.

Imm. 3. Selskabimi, aktianik amerlanernik piginnittuusup pigisaasa aningaasannngortitaanerat iluanaarutit isigineqarpat tak. § 70, imm. 2, oqaaseqatigiit aappaannisuulli iluanaarutisianik akileraarutininik imm. 1-imi taaneqartutuulli unerartinneqassapput.

Imm. 4. Selskabi kinguaariit nikinnerannut atatillugu aningaasanik agguassippat iluanaarutisianik akileraarummik imm. 1-imi taaneqartutuulli unerartitsissaaq, matumani aamma kinguaariit ingerlaavartumik nikittarneranni atsiornikkut isumaqatigiissuteqartoqarsimatillugu. Isumaqatigiissutit malillugit kinguaariit nikingitsoorpata iluanaarutisianik akileraarutininik § 70, imm. 1 naapertorlugu, isumaqatigiissutip atorunnaarneraniit qaammat ataaseq qaangiutsinnagu selskabi akileraareersimassaaq, iluanaarutisianik akileraarut imm. 1 naapertorlugu siusinnerusukkut akileraarsimasoq

ilanngaatigereerlugu.".

22. § 71-imi oqaaseqatigiit aappaattut nutaatut ilanngunneqassaaq:

"Aningaasaatinik agguaassineruppat iluanaarutisianik akileraarutit unerartitat killiliussamiit qaammat ataaseq qaangiutsinnagu akilernerqareersimassaaq."

Oqaaseqatigiit aappaannit taallimaannut matuma kingorna oqaaseqatigiit pingajuanniit arfernganunngortinneqassapput.

23. § 73 ima oqaasertaqassaaq:

" § **73.** Kinaluunniit § 3 naapertorlugu akileraartussaataangitsoq iluanaarutininik, § 70 imaluunniit § 70 a malillugu iluanaarutisiat akileraarutitaannik unerartitsiffigineqarsimasunik pissarsisimappat akileraarutitaat kommunalbestyrelsip attuumassuteqartup qinnuteqartoqarneratigut utertissavai. Peqatigiiffiilli suleqatigiillunilu iluanaarniaqatigiiffiit § 1, imm. 1, nr. 12-imi taaneqartut § 3, imm. 2 naapertorlugu akileraarusiiffigineqartussaangikkaluarlutik iluanaarutisianit akileraarutit unerartinneqarsimasut utertissinnaanngilaat.".

24. § 86 ima oqaasertaqassaaq:

" § **86.** Inuussutissarsiummik ingerlassaqartoq naatsorsuusiortartoq kinaluunniit, inatsisit malillugit naatsorsuusiortussaataaguni taamaanngikkuniluunniit akileraartarnermut oqartussaasunit qinnuigineqaruni pisussaavoq naatsorsuutininik bilaginillu ukiunut naatsorsuusiortifinnut siusinnerusunut ukiumullu naatsorsuusiortifimmut ingerlasumut tunngasunik nassiussissalluni. Pisussaaffik aammattaq atuuppoq allakkianut allanik akileraarusiinermut, matumani aamma nunamut maanga akileraartussaataanerup aalajangiiffigineqarnissaanut pingaaruteqarsinnaasunik nassiussissalluni. Nassiussisussaataanerumi aamma ilaapput akileraartussaataasup nunami allami, Danmarkimi Savalimmiuniluunniit suliffeqarfiutaanut tunngatillugu naatsorsuutininut il.il. tunngasut.

Imm. 2. Aamma taamaaliornissamut imm. 1 malillugu pisussaapput kikkulluunniit inatsisit tungaasigut inuttut isigineqarsinnaasut, inuussutissarsiuteqartuugunik taamaattuunngikkunilluunniit.

Imm. 3. Naatsorsuutit il.il. inummi pingajuusumiippata taassuma taakkuninnga tunniussinngikkallarsinnaatitaagaluaruniluunniit akileraartarnermut oqartussaasunit qinnuigineqaruni tunniutissavai, taakkulu atortussat atoreerunikkit inummut pingajuusumut tassunga utertinneqarnissaat isumagissavaat.

Imm. 4. Akileraartarnermut oqartussaasut eqqartuussisunit akuersissummik peqaqqaanngikkaluarlutik kinaassutsiminnik uppernarsaateqarlutik sukkulluunniit pisariaqartutut isigineqarpat imm. 1-imi 2-milu inuit taaneqartut sumiiffianniillutik misissuinissamut piginnaatitaapput. Misissuisinnaatitaanermit piginnaatitaanerup ilaatigut ilaqartinneqarpoq taakku naatsorsuutaannik bilaginillu aammalu allakkianik allanik akileraarusiinermit pingaaruteqarsinnaasunik misissuinissamut aammalu karsimiittuutininik assigisaannillu naatsorsuinissamut piginnaatitaaneq. Maleruagassat taakku malillugit akileraartarnermut oqartussaasut aamma inuussutissarsiuteqartut sumiiffianniillutik quersuarmiittuutininik (lagerimiittuutininik), nersutaatinik, pequtinik, maskiinanik ingerlatsinermilu atortunik allanik naatsorsuisinnaatitaallutillu naliliisinnaatitaapput. Piginnittup taassumalu sulisuisa akileraartarnermut oqartussaasut misissuineranni pisariaqartitsineq naapertorlugu ilitsersuillutillu ikiuutissapput.

Imm. 5. Paasissutissat naatsorsuutininut il.il. tunngasut qarasaasiani nalunaarsorneqarsimappata

akileraartarnermut oqartussaasut paasissutissanik taakkuninnga takunnissinnaatitaanerat qarasaasianut aamma atuutissaaq.

Imm. 6. Akileraartarnermut oqartussaasut imm. 4 naapertorlugu misissuinissaanni politiit ikiuutissapput, maleruagassat Naalakkersuisut inatsisinillu atortitsinermi ministeriaqarfiup isumaqatigiinniarnersigut aalajangersarneqartut naapertorlugit."

25. § 87 atorunnaarsinneqassaaq.

26. § 114 atorunnaarsinneqassaaq.

27. § 115-imi, imm. 2-imi oqaaseqatigiit aappaat atorunnaarsinneqarpoq."

28. § 115-imi, imm. 5-mi allassimasoq "kommunini kommissioninik akileraarusiisartunik" allangortinneqassaaq ima "kommunini akileraaruseriffiit".

29. § 115-imi, imm. 9-imi allassimasoq: "kommissionip akileraarusiisartup siunnersuuteqarneratigut". Peerneqassaaq.

30. Kapitali 11-imi qulequtsiunneqartoq: "Kommissioni akileraarusiisartooq", atorunnaarsinneqarpoq.

§ 2.

Inatsisartut inatsisaat ulloq 1. januar 2005 aallarnerfigalugu atuuttuulissaaq.

Namminersornerullutik Oqartussat, ulloq 11. november 2004

Hans Enoksen

/

Josef Motzfeldt